

UNIVERZITET U TUZLI  
Upravni odbor  
Broj: 04-3850-1-5/24  
Tuzla, 10.07.2024.godine

Na osnovu člana 51. tačka p) Zakona o visokom obrazovanju, prečišćeni tekst («Službene novine Tuzlanskog kantona», broj: 21/21, 22/21, 5/22, 11/22 i 16/22) i člana 50. stav (1) tačka q) Statuta Univerziteta u Tuzli – Prečišćeni tekst, te Odluke Vlade Tuzlanskog kantona o davanju prethodne saglasnosti broj: 02/1-34-16338-3/24 od 09.07.2024. godine, Upravni odbor Univerziteta u Tuzli na sjednici održanoj 10.07.2024. godine, donio je

**ODLUKU**  
**o iznosu participacije i školarine u troškovima sva tri**  
**ciklusa studija na fakultetima/Akademiji Univerziteta u Tuzli**  
**sa primjenom od akademske 2024/25. godine**

**Studenti prvog i integriranog prvog i drugog ciklusa studija-državljeni Bosne i Hercegovine**

**Član 1.**

Redovan student prvog i integriranog prvog i drugog ciklusa studija, koji se finansira iz Budžeta TK i koji nema status zaposlenog lica **participira** u troškovima studija u iznosu od 100,00 KM, prilikom upisa u svaki semestar.

Izuzetno od odredbe stava (1) ovog člana, redovni student prvog i integriranog prvog i drugog ciklusa studija Univerziteta u Tuzli koji u tekućoj akademskoj godini položi sve ispite utvrđene Nastavnim planom i ostvari prosječnu ocjenu 9,00 i više, pri upisu u narednu godinu studija plaća participaciju u troškovima studija u visini od 50 % iznosa participacije utvrđenog u stavu (1) ovog člana.

**Član 2.**

Redovni student prvog i integriranog prvog i drugog ciklusa studija koji se sam finansira, a prvi puta upisuje prvu studijsku godinu **plaća školarinu** u iznosima kako slijedi:

- 900,00 KM po semestru na Akademiji dramskih umjetnosti, Medicinskom fakultetu i Odsjeku zdravstvenih studija Medicinskog fakulteta,
- 750,00 KM po semestru na Fakultetu elektrotehnike (Elektrotehnika i računarstvo), Farmaceutskom fakultetu, Mašinskom fakultetu, Prirodno-matematičkom fakultetu, Rudarsko-geološko-gradevinskom fakultetu i Tehnološkom fakultetu,
- 600,00 KM po semestru na Edukacijsko-rehabilitacijskom fakultetu, Ekonomskom fakultetu, Fakultetu za tjelesni odgoj i sport, Fakultetu elektrotehnike (Tehnički odgoj i informatika), Filozofskom fakultetu i Pravnom fakultetu.

**Član 3.**

Redovni student koji je stekao status studenta prve godine studija u prethodnim akademskim godinama, a koji se sam finansira, pri upisu naredne godine studija plaća školarinu u skladu sa zakonom, Statutom i ovom Odlukom.

**Član 4.**

Student prvog ciklusa studija koji se sam finansira, a prvi puta upisuje studijsku godinu na studijske programe fakulteta Univerziteta na kojima se nastava organizuje kao vanredni studij (studij uz rad) plaća školarinu u iznosu od 750,00 KM po semestru.

## Studenti strani državljani i lica bez državljanstva

### Član 5.

Strani državljani i lica bez državljanstva koji se upiše u statusu redovnog studenta koji se finansira iz Budžeta TK, participira u troškovima studija u iznosu kako slijedi:

	Grupacija nauke	I god.	II god.	III god.	IV god.	V god.	VI god.
1.	Prirodne nauke	2.070	2.070	2.070	2.070		
2.	Tehničke nauke	2.070	2.070	2.070	2.070		
3.	Biomedicina i zdravstvo	2.484	2.484	2.484	2.484	2.484	2.484
4.	Biotehničke nauke	2.070	2.070	2.070	2.070		
5.	Društvene nauke	1.656	1.656	1.656	1.656		
6.	Humanističke nauke	1.656	1.656	1.656	1.656		
6.1	Humanističke nauke- Akademija dramskih umjetnosti, odsjek Gluma i Produkcija	2.484	2.484	2.484	2.484		

Strani državljani i lica bez državljanstva koji se upiše u statusu studenta koji se sam finansira ili u statusu vanrednog studenta **plaća školarinu** u troškovima studija u iznosu kako slijedi:

	Grupacija nauke	I god.	II god.	III god.	IV god.	V god.	VI god.
1.	Prirodne nauke	2.484	2.484	2.484	2.484		
2.	Tehničke nauke	2.484	2.484	2.484	2.484		
3.	Biomedicina i zdravstvo	2.980	2.980	2.980	2.980	2.980	2.980
4.	Biotehničke nauke	2.484	2.484	2.484	2.484		
5.	Društvene nauke	1.987	1.987	1.987	1.987		
6.	Humanističke nauke	1.987	1.987	1.987	1.987		
6.1	Humanističke nauke- Akademija dramskih umjetnosti, odsjek Gluma i Produkcija	2.980	2.980	2.980	2.980		

Student strani državljani i lica bez državljanstva utvrđeni iznos školarine plaća pri prvom upisu u svaku studijsku godinu i to u dvije jednake rate, prilikom upisa u svaki semestar.

### Član 6.

Student drugog ciklusa studija (državljanin BiH, strani državljani i lica bez državljanstva), za studijske programe u trajanju od jedne akademske godine plaćaju školarinu u visini od 2.400,00 KM, a student studijskog programa u trajanju od dvije akademske godine, plaća školarinu u iznosu od 2.400,00 KM po studijskoj godini, prilikom upisa u studijsku godinu.

### Član 7.

Student trećeg ciklusa studija (državljanin BiH, strani državljani i lica bez državljanstva), plaća školarinu u iznosima kako slijedi:

- 9.000,00 KM na Fakultetu za tjelesni odgoj i sport,
- 10.000,00 KM na Filozofskom fakultetu,
- 12.000,00 KM na Edukacijsko-rehabilitacijskom fakultetu, Ekonomskom fakultetu, Farmaceutskom fakultetu, Medicinskom fakultetu, Pravnom fakultetu, Prirodno-matematičkom fakultetu, Rudarsko-geološko-gradevinskom fakultetu, Tehnološkom fakultetu i zajedničkom doktorskom studiju Prirodno-matematičkog i Tehnološkog fakulteta,
- 14.000,00 KM na Fakultetu elektrotehnike i Mašinskom fakultetu.

Kandidat koji je prije upisa na treći ciklus studija stekao naučni stepen magistra plaća školarinu u manjem iznosu, a u skladu sa odlukom nadležnog organa Univerziteta.

#### Član 8.

Student prvog i integriranog prvog i drugog ciklusa studija Univerziteta (državljanin BiH, strani državljanin i lice bez državljanstva), kao i student u statusu absolventa prilikom upisa u akademsku godinu plaća premiju osiguranja za akademsku godinu u iznosu utvrđenom odlukom nadležnog organa Univerziteta o odabiru najpovoljnijeg ponuđača koja je dostupna na web stranici Univerziteta.

Student prvog i integriranog prvog i drugog ciklusa studija, osim studenta absolventa i studenta imatrikulanta, plaća naknadu za elektronsku prijavu ispita u iznosu od 7,50 KM za akademsku godinu prilikom upisa u narednu ili obnovu studijske godine.

Redovni student prvog i integriranog prvog i drugog ciklusa studija državljanin BiH, koji se finansira iz Budžeta TK i redovni student koji se sam finansira, a pripada kategoriji lica iz člana 18. stav (1) Zakona o dopunskim pravima branilaca i članova njihovih porodica (prečišćeni tekst) („Službene novine Tuzlanskog kantona“, broj: 10/20, 14/22, 9/23 i 5/24), plaća 50% iznosa participacije, odnosno 50% iznosa školarine utvrđene ovom Odlukom, uz pruženu validnu dokumentaciju nadležnog organa o pripadnosti toj kategoriji.

Redovni student prvog i integriranog prvog i drugog ciklusa studija državljanin BiH, koji se finansira iz Budžeta TK i redovni student koji se sam finansira, a pripada kategoriji lica iz člana 73. tačka 13. i člana 85. Zakona o socijalnoj zaštiti, zaštiti civilnih žrtava rata i zaštiti porodice s djecom - drugi prečišćeni tekst ("Službene novine TK" broj: 18/23 i 7/24), plaća 50% iznosa participacije, odnosno 50% iznosa školarine utvrđene ovom Odlukom, uz pruženu validnu dokumentaciju nadležnog organa o pripadnosti toj kategoriji.

#### Član 9.

Sredstva koja Univerzitet ostvari primjenom ove Odluke uplaćivat će se na depozitni račun javnih prihoda Budžeta Kantona.

#### Član 10.


Ova Odluka će se primjenjivati počev od akademske 24/25. godine.

#### Član 11.

Stupanjem na snagu ove Odluke prestaje se primjenjivati Odluka o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od ak. 2022/23. godine (Prečišćeni tekst) broj: 04-2792-1-1/23 od 16.05.2023. godine.

#### DOSTAVITI:

- 1x Fakulteti/Akademija
- 1x Uredi Univerziteta
- 1x Služba za ekonomske poslove
- 1x Služba za pravne, kadrovske i opšte poslove
- 1x web stranica Univerziteta
- 1x evidencija Upravnog odbora



**PREDSJEDNIK UPRAVNOG ODBORA**

*Dr. sc. Semir Ahmetbegović*  
**Dr. sc. Semir Ahmetbegović, vanr. prof.**